

太

函

集

太函集卷之一百十

新都汪道昆伯玉著

五言律詩一百二十四首

舍弟草閣新成塞上寄題四首

我生從物役汝計得樓居萬里重回首千秋獨著書  
看雲寒幔滿夢草夜窓虛好附冥鴻去雙棲任自如

其二

尺書操塞上環堵落牆東祇用三冬足何妨四壁空  
山腰深霧樹谷口易天風何物夸毗子依依碣石宮

其三

小築楊雄宅何因破寂寥山開金谷障松起廣陵詞  
燕雀紛相就芝蘭忽自饒從他玄尚白閉戶日蕭蕭  
其四

歷歷松千尺從茲構兩楹短牆邀雨色高枕散風聲  
洛下年方少河東賦已成公車如有詔避席待虞卿

荅仲房

胡風吹瀚海漢將在樓船雄略邊人借窮交國士憐  
鄉書通鴈塞斗氣辨龍泉即使登壇日寧忘結筏年

古北口

此道煩官守當年墮虜謀營移胡地月笳入漢宮秋

帳殿看烽火轍門出鐸鏤至今聞野哭戰骨夜啾啾

其二

出入經三輔安危繫九重豈應忘鉅鹿急爲扼盧龍  
險設連城戍恩懸裂土封莫令疆幹地容易入邊烽

督府劉公悼孫

絕塞愁冬熟高門失夜光諸孫初遶膝之子忽垂堂  
風雨疑龍種雲霄見鴈行知君憂社稷未暇問彭殤

贈王仲房南歸

誰作青春伴還從白社歸行邊驚柳換到日見花飛  
朝市辯推轂江干擬息機歸來煩過客聊復典征衣

其二

芳草王孫路萋萋馬首新傳來招隱賦惱殺倦游人  
塞笛關山夜林鶯邑里春秋風張翰去好爲討江草  
密雲寒食督府公期予東郊謝不赴

風雨催寒食關河阻索居王程中自熱客席左仍虛  
病起停杯酒春深急簡書寥寥惟東郊芳艸近何如  
其二

絕塞遙相傍故園安在哉龍蛇身未隱燕雀語還來  
萬竈分新火孤城對舊醅鑿啼珠勒馬何處印葥苔

別谷巖

出郊窮野望問寺得巖栖襟帶江流合旌旗樹影

開軒當石出倚杖過鶯啼繫馬支公櫨高譚佛日西

登烽臺頂

一室人烟外千盤鳥道廻薄遊寒食過高坐夕烽來  
杖底城如斗尊前海似杯漢宮何處是夜色起崔嵬

人日登野仙塔

客星驚歲換人日試春遊精舍青山出浮屠白日留  
河沙開佛土城闕望神州物色占天意晴雲萬戶浮

塵

有生多汨沒無柰爾輕揚各負天風力相蒙日月光

歌梁沾白雪佩劍掩清霜神女仍愁思凌波失故裝

送王少府之峰

燕市冰霜後齊城海岱東堂疑宓子邑琴得嶧陽桐  
佐理才堪盡分攜路未窮君家有遺鳥闇闔任乘風

冬日有事

大內同揚彰武及詣司隸待次鄭

中貴直廬並席傳餐席俄不能以咫我一蜘蛛

緣雷而下適當其間際地旋升及雷始息坐客

驚喜以爲非常頃之中使傳宣

賜金出矣相

帥拜命屬不佞賦之

紫闈深相引玄珠忽自投歲寒當壠戶日暖護垂旒

送喜子門近追歡四坐稠亦知天網解聊試漢宮遊

其二

義馭廻南陸昆蟲啓上林升沉緣帝力俯仰見天心客興驚分席宮恩出賜金垂衣慙補袞搔首欲抽簪

上宅

倉皇家一起留滯宅三邊未避巢由世長依韋杜天浮沉迷苦海消渴傍甘泉莫問柴桑里全荒種秫田

其二

歲星軒市隱暑雨卜樓居車馬千門外圖書四壁餘

賀應來燕雀饗已狎鷁鷀浮客終何有南山一敝廬

黃金臺爲方元素賦

沙苑涓人地都門結客場千尋千積翠萬乘待飛黃  
早識胡名馬應輸漢尚方只今傾一顧冀北有孫陽

得仲嘉書卻寄二首

有兄俱遠出之子復何依受業諸生在論文舊侶稀  
傾城淹獨立比翼待雄飛相彼延陵士誰其問褐衣

其二

同室唯兄弟相求似友生雙莖依五柞獨樹隔三荆  
里俗東家賤時名北海輕華陽堪授館結臂自茲行

荅仲房

爾就潛夫論余耽結客場袖中三歲字匣裏七星  
老去終龍性秋來且鴈行也知鱸正美掉臂是江鄉  
送左職方之任雲中二首

向來從按塞此去獨臨邊 上意雲中守先聲聞外  
傳行營高漢月屬國拓胡天咫尺降王帳依然納欵  
年

其二

一攬消人轡雙懸節使符艱虞當右臂慷慨即前塗  
魏絳原尊晉班超正服胡長纓知爾在莫漫問匈奴

都下贈莫山人

五陵紛結納一室獨棲遲竟作錐囊隱空勞劙篋知  
朱絃堪自命白眼莫相疑試聽秋風裏悲歌似漸離  
蔣聲父以秋七月生春秋壯矣諸君子各以詩  
爲詩強余賦之

子夜帝城秋丁年俠少游征衣淹陌上壽酒足壚頭  
潘鬢愁難入燕臺價莫酬人生餘七十好作百年謀  
端午示弟

丁年羈愛弟午日吊繫臣國色峨眉晚君恩虎口  
新汗衣俱作客角枕獨違親父矣逃河朔依然混酒

人

出塞四首贈十二郎

家聲原有種，効術豈無成。  
一代麒麟閣，千秋驃騎營。  
黃金酬駿市，白羽過龍城。  
笑殺繁霜鬢，空歸漢子卿。

其二

質子出陰山，單于歛近關。  
東胡仍側目，上將正愁顏。  
萬里浮雲騎，千金明月環。  
翩翩沙漠去，肯使射鵠還。

其三

淝水當年事，翻令俠少傳。  
何如澄瀚海，重以勒燕然。  
弩拓中黃地，旗開太白天。  
歸來辭上賞，還傍竹林眠。

其四

未須張博望且逐李輕車氣薄三韓外功收百戰餘  
胡天高大纛漢月薄窮廬莫謂君門闊甘泉急捷書  
有感

自分名俱毀無妨世獨違雌黃那足問斑白未知非  
落日新蟬競高秋倦鳥歸豈應軒冕客解紩老萊衣

得南臺彈事

五斗仍官守三朝自主恩人難容執戟我易辭  
門意氣綿袍在悲歌劒鋏存未須燕市酒歸去理匏  
尊

其二

誤入長安市空勞國士知價應非駿骨妬豈是娥眉  
水自滹沱合天從碣石移披裘吾獨往側目爾何疑

其三

當時中執法諸呂失前旌自信神羊在俄聞市虎成  
是非拋往事出處任浮生縱對河東簿無慙白馬盟

其四

浮雲卿月暗故園客星遙稷契非吾事巢由亦聖朝  
羈心游已倦傲骨毀難銷彭蠡天南路冥鴻未可招

贈國子先生歐楨伯五言六首

傾心緣此物把臂得今朝混世從乾沒談天破寂寥  
正逢燕市月尚憶廣陵潮賦就何須薦君門未是遙

其二

家在千秋里君從三徑過老親人事略季弟客情多  
坐上紛狂簡爐頭足嘯歌衡門應繁馬五柳近如何

其三

已近蘇司業還同鄭廣文國中傳白雪門下集青雲  
簡記離宮竹盤飧御水芹橋門方望幸佳氣日氤氳

其四

有弟稱吳季無端作楚狂漫勞忙倒屣近喜早升堂

業薄中人產游多大父行通家應不忝玄草莫深藏

其五

一從都市隱試結宰官緣坐擁維摩室齋分法喜筵  
藏經翻過日櫬馬借朝天何事陶彭澤攢眉向白蓮

其六

枚乘辭三殿染鴻託十洲樓荒滄海曲臺擁漢江流  
合浦光堪把分歧淚未收拂衣又明發莫厭語綢繆

多忝

夾岸經多忝孤舟泝廣川客行聊問俗農務正逢年  
洛邑千秋業豳風七月篇祇應歌帝力從此息吾肩

風雨

風雨遮明發，關河入暝流。  
流行舟，維渡口。佩劍吼床頭。  
身退燕飛鷁，機忘伴宿鷗。  
晨炊烟欲霽，三老莫深愁。

留城阻風

白浪蹴城頭，維舟積水秋。  
龍顏曾遇主，虎拜竟封侯。  
編戶居人少，叢祠宿鳥稠。  
沛中風轉怒，不<sub>是舊</sub>神州。

舟行懷古四首

碣石俄摧折，遺宮故陸沉。  
空饒長舌在，不受大年侵。  
聖主新東觀，詞臣舊上林。  
天風瀛海畔，何處更披襟。

其二

列國紛無象伊人倬有奇片言歸竊號一羽罷登匣  
策失縱橫士身當神武師只今輕俠骨骯髒欲何之

其三

風雨征帆駛江臯宿草芬九原酬一劖千載識孤墳  
練沒東門影緜懸北斗文延陵遺碣在相望大江濱

其四

西狩時方厄中興事已非世情爭掉臂吾道付霜衣  
秋雨千林泣晨風一棹飛即逢川上獵已息漢陰機

釣臺

片石碧摩天高臺秋可憐山河人代異宇宙客星懸

何處容橫足吾生擬息肩敝裘猶雪色歸釣漸江邊

上瀨

漸江秋水降石瀨漱垂乾百丈須臾澀千夫咫尺難  
勞勞疑假息兀兀信加食還似清溪曲潺湲弄木蘭

登方氏江亭

新亭看種樹歲久樹過亭江路催頭白家山入眼青  
地廻中散駕天隱少微星明到豐干曲捫蘿坐翠屏

雪中遣懷

正憶長安雪翻思故里遊主恩容草莽吾計得菟  
裘已絕交遊態仍闋兒女愁一川如刻曲未許問扁

舟

其二

有弟依朝野無端隔戶庭移居耽負郭伏枕廢遺經  
雪色虛鶴鵠春聲急鶴鵠明年知爾健携手入山局

丙子元日

莫莢王正月柴桑帝外臣年侵懸戀主身退得寧親  
時俗從新里春遊過近鄰藉令多雨露吾計足松筠

春雨

春事江南好其如積雨何青山俄失色黃鳥不聞歌  
近市窺楊柳中宵響薜蘿亦知冬爛熳莫遣故蹉跎

春雪

夜半雨仍急朝來雪自融微茫探物色倏忽見天工  
興似迴川上歌疑入郢中舊游餘曳履東郭欲凌風  
谼中感舊四首

舊游逢地主新築傍天都詎意弓旌下翻令杖屢孤  
浮生餘薤露陳迹儼蓬壺宰樹悲風起躊躇倚湛虛

其二

久矣東山卧居然上客尊陸沉方朔戟蕭索孟嘗門  
墓草更春色江蘋過雨痕巫陽如可降吾欲賦招魂

其三

主人留別業遊子遂初衣執手三秋別傷心萬事非  
亭花沉酒甕徑草避漁磯沛下衣冠在游魂歸未歸

其四

層樓雷雨至暝色使人愁  
樛木森如昔冷風颯似秋  
容居廻燕雀人代任  
蟬蝶不用山陽笛青衫淚未收

重過江丈涉園

晚節真成嬾春游未厭頻盟尋嘉樹賦興洽漸江濱  
園客投車轄厨人問釣緡更聞呼酒伴早已出南隣

其二

灌木千草地滄浪百頃天開軒青鳥下迎棹白鷗前

向夕杯重把經春  
榻未懸對君俄隱几  
未醉已陶然

其三

好在青谿曲相依  
老樹村濠染忘爾  
我栗里見兒孫  
爲壽分春酒聽詩聚  
夕飧通家三十載  
把燭一重論

其四

中宵風雨至歷歷  
百花叢不必愁空翠  
其如愛淺紅  
夜寒煩地主春盡  
信天工更喜瓜畦足  
無勞抱甕同

其五

客睡朝慵起當窓急  
鳥聲到來成宿歸去任陰晴  
鰣菜留因美漁舟  
買爲輕臨行聊倚棹選勝遍題名

石鏡

時與舍弟同游

佛日當開匣山風爲拂塵虧盈如載魄好醜已忘真  
坐證三生夢觀空四大身本來君自見無着與天親

石屋

絕壁高無際懸厓小有居烟霞盤曲磴風雨避精廬  
野老從分席山靈待著青楚宮遙一望賦客近何如

登源洞謁司馬墓

縉雲都將相赤社啓王孫華表當關起祁連賜地存  
一丘餘宰樹百代繫蟠根多少長陵土難招故國魂

室中海蘭作花贈內子

宛在幽人室仍分大國香披襟當六月結佩勝三湘  
嫋嫋風吹帶娟娟雨洗妝同心染與孟不問簪金堂

丙子除夕

悠悠年復盡兀兀夜何其栢葉春前熟梅花雨後滋  
不朝寃對酒夕坐細裁詩中歲斑衣近高堂白日私

丁丑元日

望望朝當辰依依晝掩關王春傳魏闕聖代託箕山  
雨雪供高枕煙霞得駐顏誰云歌寡和黃鳥漸綿蠻

元夕飲殷公子宅有懷大司徒

故里刀頭月孤城斗柄春鼓鐘寧上客燈火即西隣

去國遊忘倦通家醉任真遙思祠太一人在屬車塵

偶題

入春恒苦雨彌月得春暘肺病柘櫈廢塵居杖履妨  
晴窓惟老易荒徑倘求羊自惜年垂暮那知日較長

其二

中歲得懸車名山擬著書黑頭俄自矢玄艸竟何如  
鳥狎窺匡坐梅踈稱索居好奇諸俠少莫漫問吾廬

其三

海內論交在年來傍友于談天清漏盡愛日彩衣俱  
短褐身將隱長鎗病始蘓從來稱小陸倘許問前塗

春雪君在少廉同過夜坐

東郭蕭蕭暮飛花  
片片春忽來  
乘興客舊是問奇人  
任意行杯斷論才  
屈指頻故交多契闊  
我輩一逡巡  
贈方君在適其父喪留真州

儒術寧雞肋  
君才自鳳毛  
蓼莪家不造  
枳棘世堪逃  
哀挽留江介  
愁吟託楚騷  
一門懸側注  
厚祿愧吾曹

朝雨

亢後谿山雪依微  
入暝流朝來甲子雨  
遮莫廢春遊  
五嶽盧敖杖三江  
范蠡舟未能乘興  
去衰白使人愁  
黃金之自閩見客將同游  
黃山積雨未果

爾稅三山駕余披五月裘天都頻悵望暑雨共淹留  
路入襄城絕雲連楚峽愁倘逢青鳥使急爲報浮丘

七月十三携二弟過肇林期虎臣不至是日爲

虎臣初度羅孝廉謝文學在焉

好在亭亭閣蕪之擁二豪雄風襟並豁壽酒頌逾高  
何物催華髮平生託綵毫虎谿秋水惡只尺隔吾曹

其二

白社樽無蟻青門矢有蓬清涼初地足霖潦暮途窮  
痛飲須公等高譚任老翁明朝入城市把臂又秋風

黃山人輕千里至至則期以涼風行旣聞隣邑

違言皇皇求去蓋將客徐方伯則自豫章還閩  
率爾贈言兼致二觀察

立馬當流火居人近伏戎坐同談虎客鄉異祝雞翁  
垂老游將倦防危路轉窮笛聲吹不斷半入武溪風

其二

徐孺梁間榻滕王閣上筵行邊風正好到處月初圓  
掛席邀陽鳥移尊集暮蟬莫教餘興盡刻曲更迴船

其三

浮生可自由吾道在滄洲雲物延高卧風塵罷遠遊  
三墳窮豕韋一徑過羊裘我欲乘桴去從君狎海鷗

其四

斥堠通楊僕，關河老鄭虔。  
興來瓶罄矣，歸去橐依然。  
酒德寧須頌，詩名不用傳。  
相逢頭竝白，翻笑子雲玄。

其五

積薪沉下吏，焚草起中郎。  
貝錦何多事，菟裘即故鄉。  
鯤鵬天自縱，魚鳥日相忘。  
結佩勞君贈，盈盈大國香。

步月

爲愛青天月，重開白板扉。  
宵逝伊故里，露立任初衣。  
罷柝連城靜，當樓列宿稀。  
正思良夜醉，未覺少年非。

秋熱

即使秋逾熟那堪毒轉淫宵中妨伏枕露下起披襟  
渴怕金莖槁恩懷玉井深最宜延爽氣楚客莫愁吟

中秋

雨後天如洗宵中月更鮮山城凌睥睨匣鏡出嬋娟  
一望秋無盡相依夜可憐母勞招酒伴醉已陶然

閨中秋

五秋秋再閨八月月重輪漢使經年斷胡牀獨夜頻  
涼應深宿昔光可借比隣曾到明河上寧勞更問津

送舍弟東遊

行色江湖上離心鴻鴈初興從張翰去病覺馬卿蘇

閨月濤仍壯高風木漸疎無勞問搖落歸計足耰鋤

其二

大鄣千里望匹練過吳門一見愁心失三年病骨存  
主恩容綠野客禮避清尊更值成都騎前驅出帝闈

其三

客夜易生愁關河入暮秋涼風蘇震澤明月沁邗溝  
湯沐千年邑江淮萬古流倘過屠狗客或是舞陽侯

其四

歸路携餘興神京爾舊過卿雲三殿近王氣五陵多  
漢署金華吏秦淮玉樹歌南都應有賦小陸更如何

其五

江介隣三楚山靈出九華維舟緣地主結宇屬天家  
短屐金開埒高譚雪作花故鄉應咫尺揮手五城霞

哭江民璞五首

一臥文園晚相過春服初掉頭成隔世絕筆到遺書  
落景清江上浮生白髮餘瑞臺逢載魄不必問蟾蜍

其二

逝矣江民璞寥然天子都邦人惟赤幟國老竟黃墟  
歸骨山河在驚心宇宙孤平生二三策載筆腐潛夫

其三

脩短吾何問升沉爾自如東隣空伏莽左轄遂縣車  
卿寺留除日君門積薦書只今歸帝所陟降扈乘輿

其四

桑戶歌何急菟裘樂未央漸江高伏枕華黍足登場  
歲薄龍蛇近塗窮驥羨長他時秋夜笛莫遺到山陽

其五

偃蹇得滄洲歸來向黑頭少微沉五夜大雅喪千秋  
陶令心期愜江淹手澤留本無封禪草莫向茂陵求

病起聽周郎彈琴

有客依叢桂鳴琴操猗蘭第愁迴伏枕起色借彈冠

繞指清秋入披襟白日寒主恩今不薄莫作楚纁看

聞仲嘉築舍

抱膝據匡牀居然一斗方何緣成小築聊得近高堂  
問寢星常在橫經夜未央它時杯水上傳是卧龍鄉

初夏集溪上園

未暇申河朔相將過倚廬入門留客屢傍架討農書  
雜坐溪頭石清齋雨後蔬有奇君莫問不是子雲居

其二

澤畔衰顏在場中俠氣殊少歌仍楚些多和豈巴歛  
亭景青山出溪流白日徂平原那足數終古見吾徒

其三

暑淺衣思袷憂深爨欲清祇因容偃息聊得謝逢迎  
肺病供衰老心期托友生當門宜夏木特地引鶯聲

其四

同聲殊不厭近市遞相過坐以傍烏鳥因之廢蓼莪  
飛揚橫宇宙涕淚滿江河不盡狂奴態其如俠少何

三十四郎舉子

中年叨大父近屬亘諸孫磐石吾宗盛穆枝母黨尊

姪與余兄弟同受室于清風雲來白獄爪瓞系青門但試啼應好

家聲賴爾存

方于臯偕嗣宗過宿

宿莽疏三徑涼雲駐兩驂  
屣迎妨下走匡坐擁高談  
把臂千秋上搏風萬里南不堪中散老阮氏尔何懸  
處士方元素即世餘三十年有孫堯治走新都  
請予立傳留六月得請乃歸于其行申此爲贈  
吾道青雲絕伊人白屋尊承家元鳳穴載革豈龍門  
一代心神合千秋手澤存勿云徒好畫親見朗陵孫  
觀方在宥蘊真閣藏書

地下脩文久人間草閣春五年存手澤二酉闕心神  
傍架無遺策承家有斲輪三冬那足用吾住已經旬

秋日同于魯仲淹過聖僧菴

郊墟獨暑氣野寺入秋陰林樹當堦密園葵著雨深  
清齋分法喜白業討威音久矣逃禪客依然出世心

秋日同諸君子集古巖寺

伏枕炎風過披襟爽氣來捫蘿探窈窕盤石坐崔嵬  
谷響蟬先集天清鴈獨迴繩床知不借吾欲卧蒼苔  
海陽吳氏子婦未婚而死節其事與吾宗二烈

同悲哉憮秋同以秋死

桀者三妹子居然百里隣黃山俱卓絕白嶽復清真  
千古傾形管連城重紫宸大鄣秋月好愧殺月中人

爲巴鍊師壽仰谿吳長者五十

薄海逢初度齊雲隱少微仲雍元屏跡伯玉早知非  
白石分綵嶺滄洲到羽衣東中何以獻洞口紫芝肥

新霽登城上亭憶弟

蓬蒿新負郭花萼舊連床一病同鶴骨三春隔鴈行  
川原寒自急風雨鬱相望慙尔看雲處孤亭到夕陽

其二

平生惟愛弟衰晚得良朋俯視人間世高譚佛上乘  
雨淫俱契闊山迴獨凌兢更上挑源隱相携入武陵

新晴亭望懷諸同游

鶯花遲赤縣燕石斷青門  
僵蹇憑孤枕招尋負一樽  
彌天收宿雨薄海出朝暾  
霧樹晴光外依稀原上村

其二

積雪經春白垂楊過雨黃正逢新霽日偏憶少年場  
嘉會須寒食殘生付醉鄉眼中知已在肯嗟老夫狂  
寒食後集諸君子東郭看花

衰疾遂閒身幽期果故人盍簪剛熟食擊節盡陽春  
負郭看花近行厨斲笋新布衣原我草一飲判經旬

其二

邑里河陽縣賓朋鄴下才狂歌俱跋扈緩步自遲迴

空翠靄人袂輕紅照客杯明朝尋樂事屐齒在莓苔

其三

即使耽高卧那能廢薄游蹊花爭自媚谷鳥故相求  
樹樹飛霞滿山山落日留武陵谿只尺吾欲問漁舟

其四

雨後春仍淺花前日漸舒到應成信宿老更惜居諸  
結臂形骸外揚眉意氣餘醉歸應不遠襆被在吾廬

得思善書知得謝且至志喜

傳言移劇郡忽謾遂初衣久病緣憂困中年解息機  
春山雙屐在暮雨一帆歸夙昔諳幽賞相携入翠微

其二

白屋暮雲平  
斑衣晝日榮  
祗緣寬陟岵  
寧復戀專城  
疏人矜明主  
書來慰友生  
何須二千石  
子舍足藜羹

其三

病起雙蓬髮  
春還一敝裘  
共看垂橐入  
無負典衣遊  
泉石開青眼  
烟霞駐黑頭  
只今彭澤里  
不數潁川侯

其四

顛毛時自短  
肺腑日相親  
狂簡歸吾黨  
安危仗老臣  
千秋身後事  
一代眼中人  
斗下雙龍劍  
廷津會有神

其五

稅駕追風驥承家汗血駒百篇新起草四壁舊藏書  
滅沒看驃裏棲遲作蠹魚未能辭問字吾欲命中車

太函集卷之一百十一

新都汪道昆伯玉著

五言律詩一百三十四首

司理公期集黃山阻雨短述

好在雲門集何當澗道盈百靈清嶰谷七聖阻襄城  
野待塞帷霽山隨倚杖平青蓮三十二歷歷馬頭迎

其二

帝里千年閉仙源一徑紆軒車仍左次風雨已前驅  
披霧神俱王衝泥興不孤釣天容側耳到日病全蘇

同社集竹魚庄遲宰公不至即事

夙駕聚中林 晴郊落大陰  
自公良少暇更僕望逾深  
坐惜雄風過 尊防畏日侵  
晚來橫吹起 遙莫到龍吟

行次谼中拈灰字韻

算路衆山廻 桃源一徑開  
茂林沿曲水 落日到東臺  
信宿煩詩卷 炎蒸緩酒杯  
使君且安坐 玉女莫相催  
宰公舉社先 戰予病目留  
谼中走訊二首

疇昔重清道 崇朝竝問津  
凌風君汗漫 當暑我逡巡  
目眚緣中聖 心期負後塵  
浮丘一相接 笑殺倦游人

其二

遙知池水上 休沐在陽阿  
折若參天近 華胥拓地多

群峰游幾許特室道如何儻問防風氏因君脫網羅  
次韻答十岳山人

杖屢神逾王蓬蒿懶是真相過負郭巷誰識灌園人  
把臂交情舊流言物態新祗應拋月旦何用出風塵  
黃季君移居與初度會其年始艾爲賦五言近  
體二章

尔就牆東隱還移斗下居何妨在人境更喜近吾廬  
客徑寒花後賓筵壽酒初行藏今已定往事未全踈

其二

花萼連城舊柴桑卜宅新世家惟介弟委巷自居人

千頃陂爲酌三荆樹作鄰雲門原帝胄丹鼎不須親  
社中喜宰公出朝還郡便道省覲

方朔辭丹陛周南奉綵衣自天迴路冕特地問庭闈  
寒暑勞何恤君親願不違倚門應動色馬上賜金歸

其二

疋馬去都亭遙天闊使星暑侵中散地老廢太玄經  
理楫依同病開尊笑獨醒憑予傳郢客白雪爲君聽

其三

岳牧班虞瑞江湘藉楚材衛風三尺挽蜀道五丁開  
貂自先朝出駒從大宛來仍聞陳仲子相望越王臺

其四

三冬歸白社十月度黃河國士中原幾都人下里多掉頭催臘釀側耳問朝歌朝下連錢馬何時過薜蘿

其五

操社勞占夢葵丘待主盟河山堪吏隱永雪紛王程笛裏南征曲尊前北斗城驪龍廻夜水轉見吐珠明  
城西望嶽喜晴

宿雨連山歛春陰隔歲深提封依地主望祀得天心帝時城頭出仙源樹杪尋岳蓮開十丈空翠欲霑襟

香爐峰對酌

峭挿千尋石香浮百和煙振衣凌卓斗倚杖聽釣天  
神鼎空中出仙杯樹杪傳布衣禁十日歸路判千年

五老峰頭聞樂

地絕丹梯路峰攢綠髮翁朝隣生雨後天樂下雲中  
笙自王喬度簫知羸女工霓裳初入破借翼欲乘風  
仙源泛觴

清淺河源近逶迤澗道微波迴金不斷觴下羽如飛  
疏密從分席浮沉任息機漁舟如可入徙倚且忘歸

天門

誰典天門客還容石戶農巨靈無斧跡闕尹有雲封

出入通青鳥招邀坐赤松宸居今咫尺不用叩銅龍

席上呈宰公

銀燭廻春雨金門落歲星百杯爭獻壽四坐任忘形  
別去應相憶狂來忍獨醒憑君開象緯五夜破沉冥

不寐爲宰公賦

扶侍後高堂羈栖獨故鄣板輿日以遠樸被夜何長  
欹枕懸晨夕披衣視雨暘雞聲催問寢依舊到匡牀

其二

物役曾相命程期可自由駿駿千里隔望望一身留  
抱膝分宵新驚心到曉籌愁邊孤燭在五夜淚同流

川上觀穫聞田父誦陳令君志感

黃雲仍陸海赤地更良田六月神君雨三秋王者天  
滿籜場事足擊壤巷歌傳誰謂先憂日依然大有年

其二

葉縣飛僊令桑林罪已言三靈廻歲事一望塞秋原  
田鼓中宵起村春落日暄只今懸卓曾不用問義軒  
贈來少君四首

河內拋生事江東泛客槎時剛同漢主名儘借朱家  
垂耳埋龍種裹衣雜兔苴憑誰占劖氣結伴得張華

其二

雄飛矜翮健雌伏恨途窮五嶽盤雲度三山策石通  
佚才搜草莽壯志愜桑蓬翻笑淮南拙依依桂樹叢

其三

門有長裾客家無滿橐裝千金傾國士一棹下江鄉  
旅舍從爭席五曹避擅場琴心山水盡可作鳳求凰

其四

東道扁舟興南州八斗名觀濤迴雪色賦海作金聲  
曲和吳趨競書裁越絕成如逢王子晉側耳聽吹笙

贈李季宣

千年李太白一問許宣平君自揚州至予從蓬戶迎

烏皮當暑薄鶴背御風輕負弩勞仙令由來重長卿  
季宣爲乃翁乞傳再贈一章

岸幘江南日藏書柱下年世家仙李衍身事女蘿牽  
野史慙無技鄉評莫自傳龍門專載筆萬石待新編

寄題依隱亭

卓爾承家步居然避世心幽棲藏曲折大隱任浮沉  
秀色琅玕食清音鸞鳳吟雄風如可借相對一披襟

肇林夜坐招誨公禮公觀公談經

丈室銜燈影空林落磬聲三車尋未了四坐證無生  
地入華嚴海天開舍衛城上方明月滿龍象倘經行

肇林至日祝 聖

佛土恢三界皇輿肇萬年正逢長至日齊祝淨居天  
白社晨關遂黃鍾夜籟傳謾催遲暮景已得懶殘禪  
邀諸君子齋中夜坐

上客邀長夜中厨出大烹擁爐成密坐闔戶判深更  
雪避中天月星垂北斗城歸塗舛列炬照乘四珠明  
二仲爲予稱觴坐上分賦得當字

柏酒家相命桑弧戶自當班衣猶在笥白髮漸盈觴  
棣萼垂垂亞椒花冉冉長只今饒八斗那得奉高堂

柱笏樓小集

五畝少城隈三重阿閣開解官耽柱笏結客當登臺  
晝日窮簷駐陽春濁酒廻白榆天尺五誰是摘星才

除夜

戍柝連城起官梅著雨開故鄉初授杖除夜且銜杯  
歲事燈前杪春心斗下廻明年生計得初地奉如來

元日

椒盤仍舊俗花甲又今朝負郭春先入占風歲更饑  
庭闈懸問寢劒佩罷趨朝爲謝高陽侶清齋未可招

乙酉人日再壽郭僊翁時沈山人自東海至

西岳曾爲壽東林又到君浮生無住著佳氣自氤氳

酌斗增黃髮焚香禮白雲安期來海上鸞鶴自爲群

贈吳少君

世人爭煦沫之子任沉冥散木烟霞癖蟠根鳥獸形  
梧支依詰曲瓢飲足清冷遙指雲門路長鏡自斲苓

其二

心事羲皇上生涯草莽中采真窮日力弔詭覓天工

瘦作軒轅鼎鄉隨闔闔風何年生羽翼來自赤松宮

徐茂吳席上送吳叔嘉還吳得西方二字

群岫平臺上孤亭落日西豈應勞袒割况復在羈遲  
城暝驪歌急天寒鴈影低不愁空綠蟻聊得共青藜

其二

共是東南美相逢俠少塲綿袍堪結伴疋練正思鄉  
此別俄千里他時各一方緜山應問訊春水到鳴榔  
冬夜小集由庚堂即事

曲宴深吾黨虛堂澹物華歲寒親棣萼春近媚椒花  
密坐簾衣靜高譚斗柄斜青門垂列宿半落故侯家  
賦許公子長至蕉梅圖

至日若爲暄芳蕉尚自騫依依青玉案冉冉翠華軒  
神王凌霜色陰繁入鳥言綠珠停舞袖宛在石家園

其二

關樹應全落江梅忽已新折疑留客歲開恐漏玉春  
庾嶺原南紀揚州竟後塵祇應冰雪候姑射到神人

黃居士餽臘八粥

衰年惟恃粥法臘更清齋一鉢何方至雙林良有懷  
寧勞分佛供聊得與僧偕白社居然足青精空復佳  
送比丘意如還金陵時赴龍司理招作華嚴會  
我脩居士業爾結宰官緣錫響栖雙樹經聲動四天  
叅來如有意悟後竟無禪萬里空江上無勞問法船

太函經罷送桂公還牛首山

睥睨孤城暮菩提衆樹村高譚獅子坐苦行象王門

臘盡雲無色霜寒月有痕牟尼珠自在舊衲有餘溫

比丘玄暢乞碑東還

尗從瓦官寺來乞頭陀碑倚杖留三月繙經盡六時  
殘年佛日麗初地法雲慈口業曾持戒誰堪幼婦詞

送亮公還吳江

精舍吳江上慈航欸浦西三冬窮簷窻一水到招提  
掉臂依龍樹忘形過虎谿禪枝應落盡忍草欲萋萋

送義公遊南海

臘盡辭蓮社春還到竹林普門開法眼初地見禪心  
一衲風霜老孤舟水月深已聞諸品靜不作海潮音

元夕程雲南汪比部席奉陪僚子公龍公遂  
園觀燈

投轄宜今夕張燈復此筵  
峽廻神女雨花散梵王天  
烏鵲星橋隱蟾蜍月窟穿  
雷聲先啓蟬聲見燭龍騫

其二

火樹當軒簇風花繞座飛  
閉門藏斥堠倚席俯璿璣  
俗爲行春狎游堪上夜稀繁  
華聊一瞬驩賞莫相違

其三

兩楹賓主共半席老夫分宵榜寬游校春燈聚使君  
白榆天歷歷朱鳥夜紛紛何處傳清漏毋令坐客聞

其四

漢宮祠太一方朔侍中郎林下春先到牆東夜未央  
移燈青玉案把酒白雲鄉不獨金門隱歸來老更狂  
司理聞報量移招余署中夜坐

吾道干時拙君才得主深飛黃俄失足垂白隯知音  
雨雪天難問風波陸易沉一尊陪笑語肯爲作悲吟

其二

漢吏唯三尺潘郎未二毛胷中雲夢澤筆底廣陵濤  
醜墮名俱毀珠投價倍高古來多放逐屈賈亦吾曹

其三

中朝多薦達下吏自循良雞舌勞虛席蛾眉妒擅場  
道傍終苦李境內祗甘棠悽斷三春雨還飛六月霜

其四

一官重上計千里殿南州莫謾羈騏驥何妨應馬牛  
吹毛人自失掉臂我何求指點桃源路相將繫小舟

其五

世情雙眼白含影一燈青不爲悲流落那堪失典刑  
高歌還郢里痛哭恥秦庭京口期分手歸來著一經

再贈司理公五首

斲輪風雅匠佐郡股肱臣白社乘公暇清尊比政醉

狼胡寧自主牛耳更何人細柳黃金縷那禁折早春

其二

絳灌夫何意江湖只此心向來勞臥治歸去足行吟  
左券渝朝暮南箕簸古今高墉驚中命垂翅入深林

其三

天心殊叵測物態故跳梁鸞鏡孤春色驪珠墮夜光  
乾坤寬集鵬岐路迫亡羊巧宦誰家子紛紛下建章

其四

咄咄書空怪悠悠行路難揮毫堪命世側目竟移官  
縱爲流言入逾應國色看心益原造物不必問無端

其五

峩首碑難勒荆山璧易綯片言俄即主萬口竟何辭  
垂橐疏歸計攀緣劇去思扶搖雙翼在一息任參差  
發青谿縣追宰公舟不及

谿午君長往城春我暫留行行楊柳岸望望木蘭舟  
銜尾俄千里開頭儘十洲愁邊天欲暝黃鳥故相求  
送金相如即事

積雨日淒淒歸舟繫大堤相招青玉案一聽白銅鞮  
溽暑江梅落廻風㟁柳低莫愁今不見咫尺隔湖西  
賦得牆頭帆影

精舍傍江開縣厓拍浪廻江流邀月去帆影度檣來  
薜荔牽飛席蟾蜍掩化臺浮生迷陸海中夜共徘徊

十六夜泛舟得林字

河朔浮生事鴟夷出世心何如開水觀相對聽潮音  
纜解三生石舟沿雙樹林直須登彼岸咫尺法雲深  
方康侯自楚過太函卽席有贈

吾衰甘艸莽客興落巖阿應受庾開府門遊馬伏波  
桃源堪自老石室近如何俠骨銷難盡雄風坐上多  
病中送俞羨長東歸得五言近體十首

流火秋仍暑停雲歲欲周陽春誰倡和空谷獨淹留

萬事拏林臥孤舟傍海浮玄珠如可得赤水讓先授

其二

晚定桃源宅高懸蓬累車林塘頻下榻風雨任繙書  
命酒頻招客論詩獨起予他時傳勝事宛在瀼西居

其三

龜上從陽羨烏棲得太函拮据聊木末遷次總江南  
隔歲期遙集窮源判細探鋤犁容作耦耕稼近能諳

其四

衰白慙先達雌黃畏後生雄心摧短髮堅壁恃長城  
赤幟孤軍出清笳雜虜平祇須登漢闕慎勿負齊盟

其五

白雪聲幾熄滄洲望不窮三江新伯業七澤舊雄風  
上下垂千古遨遊盡數公只今歸計足去去問鴻濛

其六

各負燕神駿誰傳海大魚乾坤寬獨往風壤耐離居  
不用秦煨爐寧論漢石渠一乘窺最上逝矣竟遯虛

其七

爽氣延飛席清流帶落霞離亭仍菡萏歸路儘薰葭  
嚴瀨星疑客吳江樹是家相看牛斗下龍劒各橫斜

其八

我病耽高枕君才擅布衣時人猜見獨古道貴知  
但使窮交在何妨生事微門無車馬客俠少自輕肥

其九

窈窕託幽棲相將落燕泥一鳴先起鶴三宿後歌驪  
城郭訛烏尾風塵混馬蹄莫持堅白勝天甕信醯鷄

其十

沃土侵農事深耕厪老親斑衣經歲綻白髮入秋匀  
嫋嫋榮叢桂亭亭勁大椿承顏那叟食登穀正嘗新

丁明府悼亡

炎海當鵠火明河斷鵠橋楚妃魂不返郢客賦難招

寤寐雞鳴切參差鳳吹遙不禁遺桂在四壁夜蕭蕭

其二

不但郎官貴由來夫婿殊衆多胥白首珩珮竟黃爐  
奄忽重輪仄伶俜六尺孤忘憂空樹背腸斷白頭烏

其三

落石江天上何來婺女星鳴琴悽怨宰鼓瑟杳湘靈  
廣柳愁心碧生芻淚眼青相携合歡扇屈指五秋螢

其四

一製天孫錦重繫雲毋闡新恩虛象服舊淚滿牛衣  
鄂渚雙魚滌遼城獨鶴歸姍姍來步惺鬢見容輝

宗漢重過太函

五載送將歸三秋苦淳饑不成垂老別轉覺故人稀  
箕坐親陰木齋居供露葵明當流大火涼月待褰闌  
桃源老桂始華小集華下與余宗漢吳翁秭舍

弟分賦得書字

卑棲依宿莽幽事在吾廬叢桂青林外庭柯白露初  
繁陰圍几席鄉澤沁琴書金粟前身是淮南揔不如

又得丹字

桃源春後斷桂樹月中看生意供垂白酡顏襯渥丹  
見愁凶歲逼共得落英餐片雨城頭過移尊興未闌

紀夢

涼風侵枕簟夜雨到梧桐楚佩江臯外齊紈篋箇中  
村春相白苧客夢度青楓側耳那成寐長天有斷鴻

其二

冉冉游軒迫姍姍步屢遲到仍持絳節來或自瑤池  
意態莊周化心神宋玉知凌波留一顧回首木蘭陂

生日示弟

垂老成新築浮生泊故園地荒麝鹿草天豁鶴鷁原  
綵服違家慶青門隔市喧陽春君莫和匡坐聽吹埙

示兒無競

信是而翁子生同月日時桑蓬明祚續橋梓地靈私  
吾道誰更霸衰年但守雌趨庭詩禮在百世有餘師

除夕

丘園吾自老風雨歲云徂三徑窮交散孤城弱弟俱  
曙光延步幄臘味聲行厨明榦無朝謁相將社白榆  
元日立春

紫極天王翔青陽太皞春卿雲金闕迥帝日玉衡新  
曆數增明主朝廷貧老臣占年應有穫脫粟肯嫌  
貧

正月生明逢弟初度

初度春心在中年病骨成鳴鴻吾自長繡虎爾難兄  
七日陽來復三辰月出庚眉端看起色言下得無生  
人日張孟奇載酒集函中

載酒何來此探梅半欲舒王春仍客里人日且吾廬  
林雨深窺鳥河水近得魚主翁翻作客歸路夜何如

穀日集讀書臺蘇季作主

茅齋陰不斷穀日黯難開何處堪支杖蘇門得嘯臺  
高談千古盡深酌五更迴蓂莢當階下無勞細雨催

十日劉少仙招桃源別業看紅梅

袵服出風塵幽人傍水濱不禁庾嶺雪旋入武陵春

帶雨啼紅頰迎風啓絳唇長鏡如有約谷口到劉長

十二日雪

春入梅花淺天迴雪片深城頭謀宴賞屐齒阻登臨  
僵卧神偏王行吟鬢任侵扁舟吾已具乘興下山陰

元夕雪集遂園

曲徑飛花滿虛堂列炬齊瑤臺灰素魄銀漢練雌霓  
冉冉巢烏起蕭蕭櫨馬嘶玉京無尺五耳畔報天雞  
赴宰公嚴陵之約發舟喜晴

海上書相命山陰棹可移不禁今雨集幾失故人期  
漸水江仍漲扶桑日乍曠津人憑疊鼓三老勿濡遲

舟中聽雨

昔歲秋成惡今年春雨多停舟任留滯倚席正滂沱  
草長王孫路波翻子夜歌平原拚痛飲臘有酒如河

西湖新柳

積水依城滿羨楊拂檻長翠睂疑待畫青眼儼臨妝  
選樹歌難至廻風舞欲狂分歧一以折帶雨恐沾裳

方建元再入燕贈五言近體四首

爾背桑乾水余辭碣石宮近聞關吏急轉覺酒人空  
結客名猶借過都步愈工翩翩成獨往吾欲附晨風

其二

一朝堪大隱車馬更長安故悲風流勝新知禮數寬  
侯門休浪跡客里好加餐已耐文園渴無勞問露盤

其三

莫獻長揚賦年來羽獵稀降王爭納款天子正垂

衣韋杜春將盡金張夕已非北溟天路闊矯翼信鵬

飛

其四

白日耽高卧青春作遠遊雲山闢去住朝野任沈浮  
燕石從輕抵隋珠莫暗投懷人明月夜千里望刀頭  
寄題杰上人雲池

近得巖棲勝山靈閟不聞懸厓浮定水斷石曳慈雲  
溜入潮音唄枝披貝葉文相尋應不遠半榻可容分  
余方畢婚嫁鄧孺孝作黃山白嶽遊自肇林過

函中有贈

白首營婚嫁青門到友生壯心摧五嶽高價擁連城  
籬下黃花色霜前落鴈聲悲來非宋玉老去任虞卿

其二

逢人誇繡虎媚世競雕蟲目極三墳上神游百代中  
拂衣辭博士倒屣下名公三徑緣渠掃蕭蕭落木風

其三

相逢三詔洞重贈七襄文儒術終無賴詩名自不群  
上池探赤水西嶽謁玄君分袂那堪把高天一片雲  
寄題祝無殊瀟湘坐

聞道林塘勝疑從澤國分濯纓歌孺子鼓瑟和湘君  
曲檻琅玕長盤渦鷗鷺群渭川如可問何事入塵氛

其二

歷歷雲山合依依水竹居交流沿七澤孤憤失三閭  
我愛林多鳥人傳海大魚王猷乘興至或恐問五呂庭

喜黃丞至

天地容吾老冰霜獨爾來流亡拚下吏偃蹇避高材

淚入楊朱路  
心摧郭隗臺  
未須論往事  
春意到官梅

其二

黃髮心猶壯  
青山骨已陳  
鄭虔身後事  
阮籍眼中人

綵華工無益  
繡袍會有神  
不愁天欲暮  
正耐雨經旬

同諸少載王姬邀元瑞桃塢看花得家字

何處覓春華  
桃林正著花  
唉應迎上客  
裝豈閨東家

澗道窺流水  
林梢帶落霞  
直愁歸路失  
好趁夕陽斜

送胡元瑞登白嶽

褰衣叩上清  
叱石到初平  
客路青羊磧  
宸居白玉京  
樓成蓬授簡  
鶴下聽吹笙  
莫趁天風起  
知君羽翼生

元瑞自白嶽還函中

徙倚函三室，遲迴太乙家。  
到應捫日月，歸已飽烟霞。  
玉笈何年草，瑤池幾樹花。  
函關回首地，莫漫問流沙。

閏三月三日小集河東水亭與元瑞同賦

春閨永和年，江清上已天。  
濯纓沙浦曲，晞髮水亭偏。  
碣石留吾黨，濠梁傍汝賢。  
息機今已久，魚鳥狎尊前。

端午集太函仲淹適至

蓬戶千峰霽，締衣五月秋。  
獨醒終汨沒，衆妙任夷猶。  
蕭艾交相結，檮蒲竟自投。  
世情妨鯁骨，吾計得菟裘。

其二

遙集吾依郭端居尙向閣肩輿登坐榻角黍出行厨  
鳳穴衰仍老鵠原急暫紓追歡三徑僻續命五絲殊

秋意

鶴尾陰無雨烏皮靜復便琴書秋氣潤枕簟晚涼鮮  
縣簿疑無暑登場幸有年忽傳空谷響高樹有新蟬

松蘿道中

尋源乘澗道結伴入松蘿山似須彌出橋疑惠遠過  
褰帷窺險絕岝崿引清和祇樹經行處重來白髮多

橋門雜坐喜孟嘉少廣至

徑仄柴荆僻林深草樹饒穿雲泉作瀑斷石竹爲橋

二妙吟邊至三生夢裏招松風散清梵半落海門潮

松蘿試新茶

籩輿彭澤令茗椀趙州禪新摘香逾嫩先嘗味更鮮  
已知出群品聊以供諸天司馬俄蠲疾繩床任醉眠

宿松蘿吳田諸君子載酒見訪

信宿空無礙招提寂不譁芰荷新結社爪葛舊通家  
深酌清陰滿高譚白日斜諸天原咫尺回首法雲遮

午日悼仲淹兼憶仲嘉士能二弟

窮交日以散愛弟自爲群奄弃人間世還脩地下文  
舟維天塹水窓入幔亭雲好在鑪頭醉其如鼎足分

同日寄士能

大招空澤畔小陸去雲間垂老甘牢落斯人狎往還  
芰荷風入戶蕭艾雨連山泥滓城南陌蓬蒿獨閉關  
寄園脩譜似士能

近屬開盟府名園作寓公披襟蠲溽暑隱几卧薰風  
野興霸棲足家聲倡和同舊邦周禮在百世奉宗工  
送江南仲再入京師

鶴火三江沸鵬風五兩飛家聲懸綵筆國手切緇衣  
北極壺天豁西清掌露晞綿袍應戀戀客里憺忘歸

其二

去矣憑南仲因之間朔方 聖躬勞廟略王氣聳邊  
防好滌河湟暑簟分殿閣涼瘡痍仍未起有待大醫

王

立秋日去疾載酒過太函

河朔難爲飲高陽偶見過軒楹秋爽入枕簟晚涼多  
畏日侵禾黍雄風散芰荷伊誰翻白苧子夜起秋歌  
感時事贈去疾

老夫歸白社宿將稅形弓西夏干戈塞中原杼軸空  
笳聲連不斷鴈劙氣隱長虹海若渾無賴滄洲未可通  
贈十八弟吉甫時補文學諸生

之子東南美青衿始有名門墻漢博士俎豆魯諸生  
聞鴈題書日看雲憶弟情吳門稱小陸接翼爾先鳴

二開士過訪

開林過二妙據石失三生白社烏皮几清齋碧澗羹  
湯休聊混俗陶謝已逝名松下經行處蕭蕭風雨聲

其二

山徑草萋萋相過水竹西百年成濩落半偈得菩提  
身世依龍樹人家隔虎溪懷中珠徑寸何處施牟尼

送胤公還構李

何年來震旦傳法自羅浮錫杖人間世金篦方外遊

悟來無大地歸去有孤舟病渴須甘露楊枝儻可留

其二

土俗逢僧少因君見佛尊三車開海藏一鉢寄沙門  
雲樹分江色天花積雨痕亦知身是幻去住勿重論

哭仲淹三首

已蓄三年艾俄飛十月霜荆花連蚤晚棣萼判存亡  
委蛻遺人世游魂返帝鄉只今吾喪我誰復問巫陽

其二

羽族吾居長鶴雛尔不羣九苞淹日月千仞阻風雲  
已弃人間世還脩地下文論交傾海內誰似小馮君

其三

宿昔游三昧相將卧七年病中空法相身外得真詮  
介叔俄生肘維摩已解懸生茲無罣礙西極奉金仙

太函集卷之一百十一